

Društvo psihologa u Federaciji BiH
Gajev trg 4
71000 Sarajevo
sekretar@dpfbih.ba

Sarajevo, 9. 11. 2021

Broj protokola: I-503/21

PREDMET: Molba za očitovanjem i poziv na javno ograđivanje od neetičkih i neprofesionalnih praksi

Poštovani/a,

kontaktiramo Vas iz Sarajevskog otvorenog centra (SOC), nezavisne organizacije civilnog društva koja radi na unapređivanju ljudskih prava, posebno položaja i ljudskih prava LGBTI osoba i žena u Bosni i Hercegovini, i to interpretacijom, predstavljanjem i zastupanjem autentičnih iskustava osoba koje trpe kršenja ljudskih prava i neravnopravan položaj te zagovaranjem pravnih, političkih, ekonomskih, socijalnih i kulturnih promjena u svim oblastima života.

U posljednje vrijeme došli smo do zabrinjavajućih saznanja od LGBTI osoba o neadekvatnom, neprofesionalnom i neetičkom postupanju određenih stručnjaka_inja iz oblasti mentalnoga zdravlja. Iz zaprimljenih slučajeva jasno je da su konkretne prakse profesionalaca_ki homo/lezbo/bi/transfobne, nesenzibilizirane za potrebe LGBTI osoba kao što su jednako štetne za mentalno zdravlje ovih osoba. Iz opisa slučajeva za koje smo saznali jasno je da se išlo u pokušaju konverzivne terapije odnosno korištene su štetne i naučno odbačene prakse, s ciljem promjene seksualnih/rodnih identiteta LGBTI osoba.

Stoga bi nam bilo značajno da od Vas kao krovnog psihološkog udruženja Federacije BiH dobijemo informacije o eventualnom postojanju internih procedura praćenja ovakvog neetičkog postupanja i njegovog sankcionisanja. Ovim putem želimo vidjeti mogućnosti reagiranja na sve češće slučajeve ovakve vrste ukazujući na etičke standarde struke (psihološke/psihoterapijske/psihijatrijske). U tom procesu, kao organizacija koja radi direktno sa LGBTI zajednicom i zagovara za poštivanje i ostvarivanje njihovih prava, stojimo Vam na raspolaganju za zajedničko identifikiranje mogućih smjerova djelovanja za ovakve i slične slučajeve.

Pozivamo Vas da razmotrite opciju javnoga istupanja u kojem bismo se ogradili od ovakvih praksi i naglasili njihovu štetnost, u skladu s tim smo voljni pomoći našim kapacitetima.

Srdačan pozdrav,




Darko Pandurević